

JP «RTV ZENICA» d.o.o. ZENICA

Bulevar Kralja Tvrtka I bb * 72.000 Zenica

Tel: +387 32 449 203

knjigovodstvo@rtvze.ba

www.rtvze.ba; www.zenicainfo.ba

JAVNE NABAVKE



ID broj 4218049160003

PDV broj 218049160003

Poreski broj 05000271

Općinski sud Zenica 043-0-Reg-17-000965

Bosna Bank International 141-355-532 -002-0181

ASA Banka 134-010-000-016-7833

JAVNE NABAVKE

knjigovodstvo@rtvze.ba

Indira Fazlija 061-965-346

Broj 172-SZP-JN/22-1

Zenica, 28.06.2022. godine

JP „Radio televizija Zenica“ d.o.o. Zenica, sa sjedištem u Zenici, Bulevar Kralja Tvrtka I bb, Zenica, na osnovu Pravilnika o postupku dodjele Ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16), objavljuje:

**JAVNI POZIV
za dostavljanje ponuda za
USLUGE FIZIČKE ZAŠTITE DOGAĐAJA, LJUDI I IMOVINE
(USLUGE IZ ANEKSA II DIO B)**

1. OPŠTI PODACI

1.1. Podaci o ugovornom organu

Ugovorni organ: JP „Radio-televizija Zenica“ d.o.o. Zenica

Adresa: Bulevar Kralja Tvrtka I bb, 72.000 Zenica

IDB/JIB: 4218049160003, PDV 218049160003

Telefon: +387 32 449 203, mob 061-965-346

Web adresa: www.rtvze.ba; www.zenicainfo.ba

e-mail: knjigovodstvo@rtvze.ba

1.2. Podaci o osobama zaduženim za kontakt

Kontakt osoba: Indira Fazlija, certificirani računovođa, službenik za javne nabavke, telefon: +387 32 449 203, +387 61 965 346 e-mail: knjigovodstvo@rtvze.ba

1.3. Podaci o postupku javne nabavke :

Broj postupka javne nabavke:

172-SZP-JN/22-1 od 01.06.2022. godine. Referentni broj iz Plana nabavki: redni broj 17 (dio II Usluge) Plana javnih nabavki za 2022. godinu.

Vrsta postupka javne nabavke: Postupak nabavke usluga iz Aneksa II dio B Zakona o javnim nabavkama.

Procijenjena vrijednost javne nabavke: **7.500,00 KM bez PDV-a, slovima: sedamhiljadpetstotina konvertibilnih maraka.**

Kriterij za dodjelu ugovora je **najniža cijena ponude** u skladu sa članom 64. stav (1) tačka b) Zakona o javnim nabavkama („Službeni glasnik BiH“, broj 39/14).

Oznaka i naziv iz JRJN 79713000-54 - (Usluge na području sigurnosti - zaštitarske usluge - Usluge iz Aneksa II dio B, neprioritetne usluge na koje se primjenjuje poseban režim).

2. PODACI O PREDMETU JAVNE NABAVKE

2.1. Opis predmeta nabavke

Opis predmeta nabavke: Predmet nabavke je fizička zaštita i obezbjeđenje događaja Zenica Summer Fest, prema programu u TD, fizičko obezbjeđenje ljudi i tehnike, pa prema specifikaciji u prilogu broj 8- Program festivala.

Usluge fizičke zaštite i obezbjeđenja događaja i ljudi podrazumijevaju :

- Pružatelj usluga je obavezan da obezbijedi kontinuiranu zaštitu događaja i ljudi tokom trajanja Festivala, u periodu od 29.07. do 17.08.2022. godine, odnosno 20 dana festivala i minimum 25 festivalskih događaja, prema utvrđenom programu;
- Fizičko obezbjeđenje i čuvanje tehnike, 24 sata dnevno, u periodu od 29.07. do 18.08. 2022. godine do 09:00 sati.
- Spriječava neovlašteni ulazak u zonu zaštite;
- Spriječava narušavanje javnog reda i mira;
- svemu što je sumnjivo izvještava organizatora Festivala i zapisuje u knjigu izvještaja;
- Pružatelj usluga odgovara za štetu koju njegovi zaposlenici počine u vezi s obavljanjem poslova fizičke zaštite Naručitelju ili trećim licima, ako je do štete došlo isključivo i direktno kao posljedica postupanja zaposlenika Pružatelja usluga koje je u suprotnosti s odredbama ovog Ugovora, odredbama Zakona o agencijama i unutrašnjim službama za zaštitu lica i imovine, te ostalih propisa kojima je uređena djelatnost privatne zaštite.
- Pružatelj usluga je dužan da, bez odlaganja i u pismenoj formi, obavijesti Naručitelja usluga o svakom slučaju nastale štete.
- Pružatelj usluga ne odgovara za štetu Naručitelju usluga ili trećim licima nastalu usljed više sile, slučaja radnje samog Naručitelja usluga, odnosno lica koja su s njim u radnom odnosu, ugovornom odnosu ili ma kakvim drugom odnosu ili trećih lica, te drugih okolnosti na koje Pružatelj usluga nije mogao utjecati (npr. rata, ratnog stanja, pobuna, nemira, terorizma i sl. pri čemu se gornjim nabranjem ne iscrpljuju sve moguće okolnosti na koje Pružatelj usluga nije mogao utjecati).

S obzirom na to da je epidemija koronavirusa još uvijek prisutna, u slučaju pogoršanja epidemioloških uslova i uvođenja restriktivnijih mjera ili eventualno stanja više sile na koje Ugovorni organ nije mogao utjecati (*npr. rat, ratno stanje, pobuna, nemiri, terorizam i sl.*) Organizator zadržava pravo da otkáže dijelom ili u cijelosti Festival, te se u tom slučaju i ova nabavka smatra ništavnom.

2.2. Opšti uslovi

- Mjesto izvršenja predmeta nabavke: Usluge fizičke zaštite na lokacijama održavanja festivala Zenica Summer Fest 2022 godine; lokacije date u Prilogu broj 8 - program festivala.
- Rok plaćanja: 30 dana od prijema fakture

2.3. Posebni uslovi

- Izabrani ponuđač je dužan nadoknaditi štetu koju prouzrokuje prilikom obavljanja ili u vezi sa obavljanjem poslova fizičke zaštite, ako je ta šteta nastupila kao posljedica nesavjesnog rada.
- Izabrani ponuđač obavezan je da na raspolaganje Ugovornom organu za poslove fizičke zaštite, a koji su predmet ove Javne nabavke, stavi isključivo profesionalno osposobljene zaštitare, sa validnim certifikatima za obavljanje poslova fizičke zaštite.
- Rješenje Federalnog ministarstva unutrašnjih poslova kojim se daje saglasnost agenciji za zaštitu ljudi i imovine za obavljanje poslova fizičke zaštite, kao i Rješenje kantonalnog ministarstva unutrašnjih poslova kojim se daje saglasnost podružnici agencije za zaštitu ljudi i imovine, ako postoji podružnica, za obavljanje poslova fizičke zaštite.

2.4. Podugovaranje

Podugovaranje nije dozvoljeno.

2.5. Period na koji se zaključuje ugovor

Ugovor se zaključuje na period trajanja festivala i to od 29.07. do 18.08.2022. godine do 09:00 sati.

2.6. Kriterij za dodjelu ugovora

Kriterij dodjele ugovora je najniža cijena.

3. USLOVI ZA KVALIFIKACIJU PONUĐAČA

3.1. Uslovi za kvalifikaciju u smislu lične sposobnosti (član 45. stav (1) ZJN) i dokazi koji se traže:

Ugovorni organ će odbaciti ponudu ako:

a) je ponuđač u krivičnom postupku osuđen pravosnažnom presudom za krivična djela organizovanog kriminala, korupciju, prijevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) je ponuđač pod stečajem ili je predmet stečajnog postupka, predmet postupka likvidacije, odnosno postupka obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) ponuđač nije ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) ponuđač nije ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

3.1.1. Dokazi koje ponuđač mora dostaviti u pogledu lične sposobnosti:

Ponuđač, u svrhu dokaza o ispunjavanju uslova lične sposobnosti, dužan je u ponudi dostaviti Izjavu potpisanu od strane ovlaštene osobe i ovjerenu kod nadležnog organa (sud/notar/općina).

Izjava i njena ovjera ne smiju biti starije od 30 dana od dana predaje ponude.

Obrazac Izjave o ispunjenosti uslova iz člana 45. stav (1) ZJN je sastavni dio ovog poziva i data je u prilogu (Aneks 3) Javnog poziva.

Ukoliko se ponuđač pojavljuje kao grupa ponuđača, svaki član grupe ponuđača mora dostaviti traženu Izjavu.

Ponuđač će biti isključen iz daljnjeg sudjelovanja u postupku zbog neispunjavanja uslova za kvalifikaciju, ukoliko se u ponudi ne dostavi navedena Izjava, na način na koji je traženo.

Izabrani ponuđač je obavezan da dostavi sljedeće dokaze, kojima će potvrditi vjerodostojnost izjave (Lična sposobnost – član 45. stav (1) tačke ZJN), i to:

a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;

b) uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;

c) uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;

d) uvjerenje izdato od strane nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza. /Ili ako nije PDV obveznik da dostavi uvjerenje od nadležne institucije da nije PDV obveznik.

Navedeni dokazi se obavezno dostavljaju u originalu ili ovjereoju kopiji i ne smiju biti stariji od tri mjeseca računajući od dana dostavljanja ponude i izabrani ponuđač ih dostavlja na protokol Ugovornog organa u roku od 7 (sedam) dana od dana prijema Odluke o izboru najpovoljnijeg ponuđača.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe posebno. Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže ovim Pozivom. U protivnom će se smatrati da je dao lažnu izjavu.

Kao dokaz za ispunjavanje uslova iz člana 45. stav (1) tačke c) i d), prihvata se i sporazum ponuđača s nadležnim poreskim institucijama o reprogramiranom, odnosno odgođenom plaćanju obaveza ponuđača po osnovu poreza i doprinosa i indirektnih poreza, uz potvrdu poreskih organa da ponuđač u predviđenoj dinamici izmiruje svoje reprogramirane obaveze.

3.2. Težak profesionalni propust član 45. stav (5) Zakona o javnim nabavkama

Napominje se da se ponuda odbija ako Ugovorni organ, na bilo koji način, dokaže da je ponuđač bio kriv za težak profesionalni propust počinjen tokom perioda od tri godine prije početka postupka, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara subjekta određene težine.

3.3. Sposobnost obavljanja profesionalne djelatnosti – u smislu člana 46. Zakona o javnim nabavkama

Da bi učestvovao u konkretnom postupku javne nabavke, ponuđač mora ispunjavati sljedeći uslov sposobnosti obavljanja profesionalne djelatnosti i to:

- da je registrovan za obavljanje djelatnosti koja je predmet ove nabavke. Za ugovorni organ kao dokaz o registraciji za obavljanje predmetne djelatnosti prihvatljivi su sljedeći dokazi:

- Aktuelni izvod iz sudskog registra ili posebnu izjavu/potvrdu nadležnog organa kojim se dokazuje da je registrovan za obavljanje profesionalne djelatnosti koja je u vezi sa predmetom nabavke.

Navedeni dokazi sposobnosti obavljanja profesionalne djelatnosti iz ove tačke javnog poziva dostavljaju se u originalu ili kao ovjerena kopija originala. Ukoliko ponudu dostavlja grupa ponuđača, svaki član grupe mora ispunjavati uslove u pogledu obavljanja profesionalne djelatnosti i dokazi se dostavljaju za svakog člana grupe posebno.

U slučaju da se u ponudi ne dostave navedeni dokazi sposobnosti obavljanja profesionalne djelatnosti iz ove tačke javnog poziva ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

3.4. Tehnička i profesionalna sposobnost – u smislu člana 50. Zakona o javnim nabavkama

Ponuđač je u svrhu dokaza o ispunjavanju uslova tehničke i profesionalne sposobnosti dužan je dostaviti sljedeće:

- Izjavu kojom ponuđač ispunjava uslove tehničke i profesionalne sposobnosti u skladu sa članom 50. stav 1. tačka b) Zakona (Aneks 4), u prilogu Javnog poziva. Izjava treba da obuhvata sljedeće tehničke i profesionalne sposobnosti ponuđača:

- Izjava o tehničkoj i profesionalnoj osposobljenosti za izvršenje predmeta nabavke u skladu sa traženom i ponuđenom tehničkom specifikacijom, ponudom, pravilima struke i standardima za ovu vrstu posla.

U navedenoj izjavi ponuđači su dužni navesti obrazovne i profesionalne kvalifikacije pružaoca usluga i/ili kvalifikacije njegovog rukovodećeg osoblja, i naročito kvalifikacije lica koja su odgovorna za pružanje konkretnih usluga.

Navedenu Izjavu iz člana 50. stav 1. tačka b) Zakona, potrebno je da ovjeri (potpis i pečat) samo ponuđač.

- **Certifikate** izdate od strane Federalnog ministarstva unutrašnjih poslova za zaposlenike ponuđača koji će biti angažovani na poslovima fizičke zaštite objekta Službe i za odgovorno lice ponuđača. Ukoliko se dostavljaju kopije navedenih Certifikata, potrebno je da isti budu ovjereni od strane organa uprave ili notara.

- **Rješenje** federalnog ili kantonalnog ministarstva unutrašnjih poslova kojom se daje saglasnost agenciji za zaštitu ljudi i imovine za obavljanje poslova fizičke zaštite, kao i Rješenje federalnog ili kantonalnog ministarstva unutrašnjih poslova kojom se daje saglasnost podružnici agencije (ako postoji podružnica) za zaštitu ljudi i imovine za obavljanje poslova fizičke zaštite.

Ukoliko postoje izmjene Rješenja uz osnovno Rješenje dostaviti i sve izmjene Rješenja. Ukoliko se dostavljaju kopije navedenih rješenja, potrebno je da ista budu ovjerena od strane organa uprave ili notara.

- **Izjava ponuđača da ispunjava uslove iz člana 16. i 17.** Zakona o agencijama i unutrašnjim službama za zaštitu ljudi i imovine ("Službene novine FBiH", broj: 78/08 i 67/13), a koji se tiču uslova za obavljanje poslova koji su predmet nabavake. (Aneks 5).

U slučaju da se u ponudi ne dostave navedeni dokazi tehničke i profesionalne sposobnosti iz ove tačke poziva ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

3.5. Ugovorni organ zadržava pravo provjere tačnosti datih podataka u dostavljenoj ponudi.

3.6. Izjava iz člana 52. stav (2) Zakona

Ponuđač je obavezan dostaviti Izjavu da nije u sukobu interesa, popunjenu u skladu sa članom 52. stav 2. Zakona (Aneks 6), ovjerenu kod nadležnog organa u formi i na način propisan Zakonom.

Ponuda svakog ponuđača koji se nalazi u sukobu interesa, kao i ponuda ponuđača koji je sadašnjem ili bivšem zaposleniku ugovornog organa dao ili je spreman dati mito u obliku novčanih sredstava ili u bilo kojem nenovčanom obliku, s ciljem ostvarivanja uticaja na radnju, odluku ili tok postupka javne nabavke biti će odbijena u skladu sa važećim propisima u Bosni i Hercegovini, u tom slučaju ugovorni organ će u pisanoj formi obavijestiti ponuđača i Agenciju o odbijanju takve ponude, kao i razlozima odbijanja. Svaki ponuđač dužan je potpisati izjavu iz člana 52. stav 2. Zakona.

3.7. Odredbe koje se odnose na grupu ponuđača

U slučaju da ponudu dostavlja grupa ponuđača u obrascu za ponudu moraju se navesti podaci o svakom članu grupe ponuđača kao i jasno određenje člana grupe koji je ovlašteni

predstavnik grupe ponuđača za učešće u postupku javne nabavke, za komunikaciju i za zaključivanje ugovora.

U slučaju da ponude dostavljaju grupe ponuđača, uz ponudu se mora dostaviti i ugovor o zajedničkom nastupu kao i punomoć kojom se navedene lica ovlašćuju da predstavljaju grupu ponuđača u toku postupka nabavke (punomoć može također sadržavati i ovlaštenje za potpisivanje ugovora). Isti moraju biti potpisani i ovjereni od strane svih privrednih subjekata koji čine grupu ponuđača.

Ponuđač koji je samostalno podnio ponudu ne može biti član grupe ponuđača u istom postupku javne nabavke.

Član grupe ponuđača ne može biti član druge grupe ponuđača u istom postupku javne nabavke. Grupa ponuđača solidarno odgovara za sve obaveze.

4. Provođenje e-aukcije

E-aukcija nije predviđena.

5. Ocjena ponuda

Ocjena ponuda, odnosno utvrđivanje da li ista ispunjava formalno – pravne uslove će se obaviti u skladu sa traženom/dostavljenom dokumentacijom.

6. Način dostavljanja ponuda Ponude se mogu dostaviti:

- Lično

- Putem pošte

Ponuda treba biti napisana neizbrisivom tintom. Ponuda mora biti čvrsto uvezana da se onemogući naknadno vađenje ili umetanje listova. Dijelovi ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.

Ako je ponuda izrađena u više dijelova ponuđač mora u sadržaju ponude navesti od koliko se dijelova ponuda sastoji. Stranice ponude moraju biti numerisane odnosno označene brojem na način da je vidljiv redni broj stranice.

Izuzetno, ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskom dokumentacijom.

Kad je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Ako ponuda sadrži štampanu literaturu, brošure kataloge koji imaju izvorno numerisane brojeve onda se ti dijelovi ponude ne numerišu dodatno.

7. Adresa na koju se dostavljaju ponude

Ponude se dostavljaju na adresu: JP „RTV ZENICA“ d.o.o. Zenica,

Bulevar Kralja Tvrtka I bb.

72.000 Zenica

Ponuđač dostavlja ponudu koja treba biti zapečaćena u neprovidnoj koverti, sa pečatom ili potpisom ponuđača.

Na koverti ponude mora biti naznačeno:

- a) naziv i adresa ugovornog organa,
- b) naziv i adresa ponuđača,
- c) evidencijski broj javnog poziva,
- d) naziv predmeta nabavke,

e) naznaka: “Ponuda za usluge fizičke zaštite događaja, ljudi i imovine, ZSF 2022- NE OTVARATI“.

7.1. Prijem ponuda će se evidentirati u glavnu knjigu protokola preduzeća po rednom broju i datumu prijema.

Sekretar Komisije za javne nabavke sve blagovremeno pristigle ponude će evidentirati u Zapisnik o pristiglim ponudama, dodijeliti im redni broj, upisati datum i vrijeme prijema ponude.

8. Krajnji rok za dostavu ponuda (datum, mjesto i vrijeme)

Krajnji rok za dostavu ponuda je 13.07.2022. godine do 12:00 sati. Ponude zaprimljene nakon isteka roka za prijem ponuda se vraćaju neotvorene ponuđačima. Ponuđači koji ponude dostavljaju poštom preuzimaju rizik ukoliko ponude ne stignu do krajnjeg roka utvrđenog tenderskom dokumentacijom.

9. Javno otvaranje ponuda će se obaviti u sjedištu Ugovornog organa, Bulevar Kralja Tvrtka I bb, 72.000 Zenica, dana 13.07.2022. godine u 12:15 minuta, neposredno nakon isteka roka za prijem ponuda.

Ponude se otvaraju na sjednici Komisije za javne nabavke na dan i vrijeme koji su navedeni u tenderskoj dokumentaciji.

Svi ponuđači koji su na vrijeme dostavili ponude ili njihovi ovlaštene predstavnici imaju pravo da prisustvuju postupku otvaranja ponuda.

Koverta otvara predsjedavajući Komisije za nabavke na otvorenoj sjednici ili drugi član komisije, bez obzira na to da li sastanku prisustvuju ponuđači ili njihovi ovlaštene predstavnici.

10. Prilikom otvaranja ponuda prisutnim ponuđačima se saopštava:

(a) Naziv ponuđača;

(b) Ukupna cijena navedena u ponudi;

(c) Popust naveden u ponudi koji mora biti posebno iskazan; ukoliko popust nije posebno iskazan smatra se da nije ni ponuđen;

11. Rezultati postupka javnog otvaranja ponuda

Rezultati postupka javnog otvaranja ponuda unose se u zapisnik, koji obavezno sadrži sve elemente iz tačke 10. ove tenderske dokumentacije.

Zapisnik vodi Sekretar Komisije za javne nabavke, a na osnovu forme koju je propisala Agencija za javne nabavke.

12. Kopija zapisnika

Kopija zapisnika o otvaranju ponuda Sekretar komisije za javne nabavke dostavlja svim ponuđačima odmah ili najkasnije u roku od jedan dan od dana otvaranja ponuda.

13. Potpisivanje zapisnika

Nakon završenog otvaranja svi prisutni ponuđači i članovi Komisije dužni su potpisati zapisnik, kao i svi članovi Komisije za javne nabavke.

14. Kontakt osoba, broj telefona i adresa elektronske pošte

Indira Fazlija, certificirani računovođa, certificirani službenik za javne nabavke

Telefon: 032-449-203, 064-965-346 e-mail: knjigovodstvo@rtvze.ba

Prilozi:

1. Aneks 1 – Obrazac za dostavljanje ponude

2. Aneks 2 - Obrazac za cijenu ponude,

3. Aneks 3 – Izjava o ispunjenosti uslova iz člana 45. stav (1) tačke c) i d) ZJN

4. Aneks 4 - Izjava o ispunjavanju uslova u skladu sa članom 50 stav 1. tačka b) Zakona o javnim nabavkama BiH,

5. Aneks 5 – Izjava o ispunjavanju uslova iz člana 16. i 17. Zakona o agencijama i unutrašnjim službama za zaštitu ljudi i imovine,

6. Aneks 6 – Izjava u skladu sa članom 52. stav (2) Zakona.

7. Aneks 7- Model ugovora (obavezno potpisati i ovjeriti).

8. Program festivala s podacima o trajanju događaja i očekivanom broju posjetilaca.

Broj: 172-SZP-JN/22-1 Datum: 28.06.2022. godine

Službenik za javne nabavke:
Indira Fazlija



Direktor:
Nandino Škrbić

